


L'ESSOR FASO KUMAKAN

SIBIRIDON, NOWANBURU KALO TILE 24, SAN 1984

Peresidan ka nyogonyew



Mali jamana kundi-gi zeneral Musa TARAWELE ye Alasani WATARA n'o tun ye Afiriki tilebinyan-fan bankiba "BCAO" gofèrènèri kòrò ye, min bilala kòsa in na dinyè nafoloko nyènabò jèkulu "FMI" bolofara min nyèsin-nen don Afiriki ma,

o nyémögoya la ani Afiriki yiriwali banki "BAD" kuntigi MUNGONBA, bisimila alamisadon, Okutoburu kalo tile I8, san 1984.

Zeneral Musa TARAWELE ni Alasani WATARA de folò ye nyogon kumanyogonya O kumanyogonya sen

fè, da sera "UMOA" jamanaw ka jè sinsi-ni ma ka t'a fè ani Afiriki jamanaw ka nafolokow dalakènyè-li k'u bila sira nyuman kan ni "FMI" ka dèmè ye.

O tèmènen kò, Peresidan Musa TARAWELE ni "BAD" kuntigi MUNGONBA ye nyogon ye. U ka baro fanbatun bë Afiriki yiriwali banki jöyörô kan Afiriki jamanaw ka nyètaa sabatili la, ani sira nyuman minnu bë Mali ni "BAD" cè, n'o wale-yara bankiba in fè, n'a ka dèmè nafamaw ye ka nyèsin an ka jamanaw ciyakèda caman ma, a ye nafollow dantigè minnu ye, u ka baara-kècogo nyuman na.

Makan jamana ye kunfilatu fura tòni 47 di Mali ma

Mali nyémögow ye wele min bila dinyè hadamaden sèbèw ma, kunfilatu donni sababu la an ka jamanaw kònò, o wele jabira Makan jamana fè, min ye fura tòni 47 ni kò ci Mali ma, wala-sa a ka se ka dan sigi bana jugu in jènsènni na.

Furadi in kèra senu awiyonjigin kènè kan, min sen fè, Makan jamana lasigiden Abudeli Azizi ZAKI ye kuma ta, k'a jirako nògò fan si tè Mali ni Makan jamana cèsira nyumanw na. A ko min wale in ye baden silamè jamana fila ka bolodiny-

gonma taamaseere nyuman de ye. Olu labènne don sanga ni waati bëe k'u bo-lo mòondò bò Mali nò fè, k'a dèmè n'u seko damajira bëe ye, a ka gèleyaw latèmèni konyuman na.

Mali kènèyako ni hadamadenya walew minisiri ka ciyakèda kuntigi Seyidu Usmani JALO ye Mali dògotoròw n'a jamanadenw n'a nyémögow ka foli ni tanuli ni walenyumandón lase Makankaw ma, u ka mògòninfinya wale in na. A ko jamanaw bëe nyogon cèsiraw bari-ka dòn, gèleya waati de kònò.



Afiriki jamana 15 ka kelenya tònba "CEDEAO" ka kùnbèn

Afiriki jamanaw ka faranyogonkan, sòròko ni nafako siratigè la, o walew latèmè jèkulu, min bë wele ko "CEDEAO" n'a sigira sen kan, Lagosi, Nizeriya jamanaw kònò, o jamanaw kuntigè ka kùnbèn baaraw bë kë nin dògòkun kònò, Lome, Togo jamanaw kònò.

Mali tògò la, jamanaw fangaso minisiri, Umaru KULUBALLI, min nyèsinnen bë sòròkow ni fèrèkow ma, o taara LOME, Peresidan Musa TARAWELE nò na. Mali taali "CEDEAO" kùnbèn na, o b'a nyémögow ka kanubaya jira jèkulu in ka nyètaa n'a kow yiriwali sira kan, bawo, Mali ma foyi bila Afiriki ka kelenya n'a ka nafasòrò walew nyè. O siratigè la, Mali bë cèsiri



min na "CEAO" kònò, n'o jamanaw kuntigè ka kùnbèn I0 nan baaraw kèra Bamakò, Okutoburu kalo la, san 1984, a b'o cèsiri kelen de la "CEDEAO" kònò, walasa faranyogonkan ka sinsi, ka t'a fè.

Danfara min bë "CEAO" ni "CEDEAO" cè, o ye walew latèmè kènè ye. Folò nyèsinnen bë Afiriki tilebin jamanaw dòròn de ma. Filanan ma danfara kë Afiriki jamanaw cè, i n'a fò minnu bë Faransikan wali Angilèkan fò. O de kòsòn "CEDEAO" jamanaw ka ca ni "CEAO" taw ye. Jateminè la, "CEAO" jamanaw hakè ye 7 ye, "CEDEAO" taw bë taa jamanaw I5 la.

A jirala, o siratigè la, k'a laban o laban, Afiriki jamanaw bëna jè, ka fara nyogon kan, jèkuluba kelen kònò, i n'a fò Eropu jamanaw dòw faralen bë nyogon kan "CEE" kònò cogo min na, walasa k'u ka nafakow baaraw bëe dakènyè, u bëe kelen-kelen ka hèrè ni lafiya kòsòn.

O faranyogonkan misali dò ye "CEAO" n'a nyogonnaw ye, minnu bë jamanaw dama dòw dòròn hakè la, n'u laban bëna tugu "CEDEAO" la, k'o kë jèkuluba kofòlen in ye, min tògò bë se ka da, ko "CEA" n'o ye Afiriki bëe lajèlen ka nafasòrò jèkulu ye, danfara kelen tè min jamanaw cè, wòlokanko ni siyako siratigè la.

"OUA" jamana kuntigiw ka kùnbèn 20 nan baaraw kècogo bennna sira beeè kan



"OUA" jamana kuntigiw ka kùnbèn 20 nan baaraw daminèra Adisabeba. Ntènèn, Nowanburu kalo tile I2, k'a kuncè Alamisa, Nowanburu kalo tile I5, san 1984. Tile naani hakè kòno, Afiriki jamanaw nyémogòw, wali u dòw nònabilaw ye nyögòn sóró kènè kelen kan, kà nyögòn faamuya "OUA" kow latèmècogo nyumanw kan.

O siratigè la, wale minnu tun kelen bè ka fonyögónko basigi jamanaw cè, olu kùnbabaw tun ye saharawiko ni Cadi ni "OUA" sekeretèri zeneraliko ye. Olu nyènabòlicogo tun ye jèkulu in ka nyètaa lasumaya kabini salon, san 1983, fo ka se nyinan ma.

Nka, baaraw bannen kò, jaabi minnu bòra Adisabeba kùnbèn 20 nan in kòndò olu dòw file nin ye:

Jamana minnu faralen bè nyögòn kan "OUA" kòndò, o bòra jamana 50 la, ka kè jamana 51 ye. O sóròla saharawi donni kòson "OUA" la. Nka, saharawi donni "OUA" la, o kèra Maròku bò sababu ye "OUA" la, bawo, bénbaliya kèlè b'olu fila cè, u ka jamanaw dugukolow danfarako ani yèrèmahòrònyako la. Saharawi donni "OUA" la, o kèra zayiri jamana senbòlikùn ye kùnbèn 20 nan in baaraw la, bawo, zayiri ye Maròku dèmèbaga dò ye o yèlèma-yèlèmaw kòson, jamana 49 nyémogòw de sóròla kùnbèn 20 nan in baaraw kènè kan.

Wale minnu bè ka kè sisan Cadi jamana kòndò faransi ni Libi ka bénkan hukumu kòndò, olu latèmècogo nyuman kòson, "OUA" jamana kuntigiw ma fèn kura wèrè fò Cadi ko kan, ni dugawtè, a badenya kèlè banniko nyuman na,

Min ye "OUA" yèrè peresidanko ye, bèn kèra Tanzani Peresidan kan, n'o ye zilisi NYERERE ye, min sigira Etiyopi Peresidan nò na, "OUA" kuntigiwa la,

fo san 1985 kùnbèn 21 nan na, n'o baaraw fana bëna kè Adisabeba.

Gèlèya minnu kèra Sekeretèri zeneralí kura sigi la, kabini san 1983, o nyögòn de fana yera nyinan, san 1984 ta la, Mali ka mògò ani Gabon ka mògò sugandilen fila cè, I n'a f'a kèra cogo kòrò min na, wote ma sira sóró tugun. O la, Sekeretèri zeneralí dànkan, min bè kow kan, k'u latèmè kabini salon, n'o ye Petèri ONU ye, min ye Nizeriyaka ye, o yamaruyara kokura ye.

"OUA" yèrè n'a jamana dòw kòndòkow si-gilen kò bolo kelen kan, baaraw nyèsinna Afiriki bée lajèlen haminankow kùnbabaw ma, n'olu ye fasokumabò kèlèw ye ani sóròkow ni dèmèkow, gèlèya waati in na, sanko, Saheli jamanaw hakè la, jakóngò kelen bè ka minnu kònómogò tòorò kòsèbè.

O siratigè la, jamana kuntigiw bennna wale caman kan, nyögondèmè jèkulusingi bè minnu cèma, wala-sa, o jèkulu kura ka baaraw ka nyèsin ja n'a masibaw kèlèli ma, sira bée kan ani cogo bée la, i n'a fò nafoloko ni minènko.

Min ye Afiriki jamanaw fangaw farali ye nyögòn kan, "OUA" kòndò, walasa barika ka don u ka kow la, Peresidan fèn o fèn kumara, kùnbèn in sen fè, olu bée da sera "OUA" matarafali ma, ka tila ka bèn ani kelenya ni nyögòn faamuya walew fò, k'olu nafaw jira,

Afiriki danbe gaci sigili sira kan. Peresidan caman ka fò la, sanko Mali jamana kuntigi, zeneralí Musa TARAWELÉ, "OUA" jamana kuntigiw ka Adisabeba kùnbèn 20 nan in baaraw kècogow bennna sira bée kan. A Peresidan kelen o keilen, ni Afiriki ani "OUA" kanu b'o dusukun na, ni Afiriki ni "OUA" jamanaw kòdonni walew b'u tòorò, olu bée y'u ka nisondiya jira kunafonilaselaw la.